



PABLO SU MINISTERIO NA KORINTO CORINTH

“ Un anochi
Señor a bisa
Pablo den un
vishon, 'No tene
miedu, pero
papia i no keda
ketu; pasombra
Mi ta ku bo, i
ningun hende lo
pone man riba bo
pa hasibo daño,
pasombra tin
hopi hende den e
stat aki kende ta
Mi pueblo' ”

(Echonan 18:9, 10,
NRSV)



Despues di e Epístel(Karta) na e Romanonan, e Kartanan na e Korintionan ta e kartanan di mas largu skirbí dor di Pablo.

E dos kartanan ku ta sobrebibá a wòrdu skirbí solamente un par di simannan apartá. Den nan, nos ta haña konseho práktiko pa resolve situashonnan difisil ku ta lanta for di frikshon entre rumannan.

Pa por komprende debidamente nan mensahe, nos mester sa promé e konteksto den kual nan a wòrdu skirbí.



E Yamada di Pablo

E biahe na Korinte

E stat di Korinte

E Korintionan

E kartanan na e Korintionan



E YAMADA DI PABLO

“ Pablo, un apòstel — no mandá for di hende ni dor di hende, ma dor di Hesus-Krisu i Dios e Tata, Kende a lant'E for di mortonan —” (Galationan 1:1)

Den adishon na e diesdos skohí dor di Hesus, e Beibel ta menshoná otro apòstelnan manera Matias (Echonan 1:26), Barnabas (Echonan 14:4), Santiago i Pablo (1 Korintionan 15:7-9).

Kon Pablo a bira un apòstel?

Dor di Hesus Su eskoho (Gal. 1:1)

Ki tempu el a wòrdu elegí?

For di su mama su matris (Gal. 1:15)

Ki tempu el a wòrdu yamá ?

Riba e kaminda pa Damasko (Echonan 22:6-7)

Apòstel di ken é tabata?

For di e Paganonan (Gal. 2:9)



For di e momentu di su yamada, Pablo su bida tabata sentralisá riba Hesus. El a pensa tokante di Hesus, el a papia tokante di Hesus, el a kompartí Hesus ku kada un. Pa e motibu aki, for di e promé momentu ku el a yega na Korinto, Hesus tabata e sentro di nan mensahe (1 Kor. 2:2).

E BIAHE PA KORINTO



“ Despues di e kosnan aki, Pablo a sali for di Atenas i a bai pa Korinto” (Echonan 18:1)

Riba su di dos biahe mishonero, Pablo a wòrdu obligá dor di e Spiritu Santu pa bai Oropa (Echonan 16:6-10). Einan el a wòrdu deportá for di Filipos (Echonan 16:12, 38-39), for di Tesalónika (Echonan 17:1, 5, 9-10), i for di Berea (Echonan 17:13-14).

Na Atenas, despues di a prediká na e Hudiunan den snoa i na e Paganonan den e marshé, el a wòrdu yamá pa prediká na e Areópago (Echonan 17:16-21). Despues di un diskurso elokuyente, solamente un poko a aseptá Hesus (Echonan 17:34).

Saliendo for di Atenas, Pablo a bai na Korinto i a uni ku Akila i Prisila, ku kende el a traha trahando tèntnan. (Echonan 18:1-3).

Manera tabata su kustumber, el a kuminsá na e Hudiunan den e snoa i e ora ei na e Paganonan (Echonan 18:4-8). Durante di su estadia na Korinto, i despues di e “ desapuntahon ” di Atenas, Pablo a disidí pa no huza sabiduria humano, pero pa solamente prediká “ Hesus Kristu, ya kaba krusifiká ” (1 Korintionan 2:2).




E STAT DI KORINTO

“manera di bèrdat tin hopi “diosnan’ i hopi ‘shonnan’ ”
(1 Korintionan 8:5b NIV)

Korinto a wòrdù destruí dor di Roma na 146 PK. Mas despues, Julius Caesar a manda un kolonia di veteranonan i hòmbèrnan liber na 46 PK. Finalmente, e stat a rekuperá totalmente na 44 PK. Serka di e tempu ku Pablo a bishitá, esaki ya kaba tabata un sentro komersial importante.

E importansia di Korinto ta poné den su sitio, riba e Istmo di Korinto, suministrá dor di dos haf komersial importante: Lechaeum, riba e Gòlf di Korinto; i Cenchreae, riba e Gòlf Saronic.

Su aventuranan ku rísiko di negoshi a permití Pablo pa traha komo un trahadó di tent. Pero Korinto su rikesa (kual a kompetí esun di Atenas) tabatin varios desbentahanan.



Idolatria i inmoralidat seksual a yena e stat i a pentrá su kultura. Hopi di Pablo su mensahe na e Korintionan ta purba(trata) di kaba ku(kita) e problemanan aki ku tabata gatia drenta den e iglesia.



E KORINTIONAN

" E ora ei Señor a bisa Pablo den un vishon di anochi, ' No tene miedu, pero papia, i no keda ketu ' " (Echonan 18:9)

E Hudiunan di Korinto e rechasá e mensahe, fòrsando Pablo pa sali for di e snoa i kuminsa topa ku e Paganonan den un kas pegá ku e snoa (Echonan 18:4-7).

" E depravashon ku el a testiguá entre e Paganonan, i e depresio i insulto ku el a risibí for di e Hudiunan, a kous'Ele gran angustia di spiritu. El a duda e sabiduria di purba traha(edifika) un Iglesia for di e material ku el a haña einan" (EGW The Acts of the Apostle p. 250).

Na e momentu ei, Hesus a aparesé den un vishon di anochi pa enkurashá Pablo pa kontinuá su trabou entre e Korintionan, sigurando é ku tabatin hopi kende lo risibi e mensahe (Echonan 18:9-10).

Fortalesé dor di e vishon aki, Pablo a keda na Korinto pa un año i mei (Echonan 18:11). Finalmente, e Hudiunan a trese Pablo dilanti di e korte(tribunal) (Echonan 18:12-13). Banda di e tempu ku el a sali for di Korinto, un iglesia grandi a wòrdu estableté (Echonan 18:18).



E KARTANAN NA E KORINTIONAN

“ Pasombra a wòrdu raportá na mi tokante di boso, mi rumannan, pa medio di e hendenan di Cloé, ku tin pleitunan entre boso ”

(1 Korintionan 1:11)

1 Korintionan 1-6


Informá dor di Cloé di varios problemanan ku ta eksistí den e Iglesia, Pablo ta spierta nan tokante di: afiliashonnan; inmoralidat seksual; desunion(argumentu); i prostitushon.

1 Korintionan 7-16

Cloe su famia tambe a trese p'é un karta ku varios preguntanan for di e Iglesia riba tópikonan na kual Pablo a kontestá tokante di: matrimonio; divorso; selibato; kuminda sakrifiká na ídolonan; kondukta den adorashon; e uzo di donnan spiritual; i e resurekshon.

2 Korintionan

Esaki ta e di dos epístel(karta) ku a wòrdu preservá, ounke ku Pablo a skirbi varios mas (podisé promé ku e dosnan ku a sobreibá i/òf den e spasio meimei di nan). E ta elogiá(apludí) e Korintionan pa e manera ku nan a resolve algun problemanan, pero ta urgi nan pa mira e mundu dor di e lèns di e evangelio, evitando e influensia di e kultura rondoná.



“ Dios Su mensaheronan den e statnan grandi no mester bira deskurashá riba e maldat, e inhustisia, e depravashon, riba kual nan ta wòrdu yamá pa enfrentá mientras nan ta purba pa proklamá e bon noticia di salbashon. Señor lo animá kada tal obrero ku e mesun mensahe ku El a duna na e apòstel Pablo den Korinto malbado : “ No tene miedo, pero papia, i no keda ketu: pasombra Mi ta ku bo, i ningun hende lo no pone man riba bo pa hasibo daño: pasombra Mi tin hopi hende den e stat aki.” Echonan 18:9,10... [...] Den kada stat, anke kon yená esaki lo por ta ku violensia i krimen, tin hopi kende ku siñansia apropiá lo por siña pa bira siguidornan di Hesus. Miles lo por wòrdu alkansá asina ku bèrdat ku ta salba i wòrdu guiá pa risibi Kristu komo un Salvador personal”